

# Mo lebitleng la Kriste tlhokofatšo e fetile bofelong gomme go a thoma kgodišo

Thero mo Jesaya 53:8-10

*Palo ya Beibele: Jesaya 53 & Johane 19:28-42*

*Temanathero: Jesaya 53:8-10*

Le ga e le gore moporofeta Jesaya o be a sa tsebe yo a bego a porofeta ka yena, rena lehono re a tseba gore o be a bolela ka Messiah e lego Morena Jesu. Lehono re lebeletše tiragalo e tšwago historing ya ditlhokofatšo tša gagwe. Go ka di bolela, ge Jesu, morago ga go bapolwa, o ile a fološwa sefapanong ke mašole. Le ka mo motho yo a bego a bitšwa Josefa wa Arimathea, a di tšenego, a kgopela go tšea mmele wa Jesu, gomme a o boloka mo lebitleng. Re badile ka seo mo historing. Le ga go le bjalo temana ya rena e tšwa mo go Jesaya. Ge o nyaka go hlaloganya temana ye, go a hlokega gore o lemoge gore balsiraele ba kgale ba be ba na le ditsela tše pedi tša go boloka batho. E ka ba poloko ya go hlomphega go ba yeo e lešago dihlolong. Lebakabaka e le gore o fihliwe le badimo ba geno, e be e le sešupo sa poloko ya go hlomphega. Se se ra gore o be o bolokwa mo lebitleng la leloko la geno, leo e ka bago legaga leo le hlomilwego godimo ga leswika mo thabeng. Mo legageng leo motho o be a ka hwetša mafelo a mantši a polokelo, a kokotetšwe mo lebotong. Le ga go le bjalo poloko ya go leša dihlolong e be e šupa gore motho yo ga se a ka a bolokwa. Ge o hlokofetše mohlomongwe mo ntweng, o ka nagana ka Isabele kgošigadi ya Testamente ya kgale, yo a ilego a lahlelwa mo tšeleng, mo mmele wa gagwe o ilego wa jewa ke dimpsa.

Bjale ge re bala mo Jesaya kgaolo ya 53 re lebeletše ka thoko ya porofeto yeo a phethageditšwego ka Jesu, dilo di thoma go ba bonolo. Re tlile go dira seo gonabjale. Ge re thoma go bala temana ya 8, lebakeng la gore le bale re re 'ka hlokofatšo le kahlolo o ile a tšewa' go bohlokwa ge re ka hlatholla ra re: 'go tšwa mo tšhiriletšong le toka o ile a tšewa.' Gomme se bohlokwa re nagana ka mo Jesu Kriste a tlilego go tšwelela pele ga madistrata le bamolao: ka ba legotla la Bajuda, Heroda le Pilato. Moo ditshwanelo ka moka tša gagwe di ile tša tšewa. Le ga go le bjalo ka go sebe molato, o ile a tlošwa mo bobeng bja maatla a leswiswi.

Gomme bjale Jesaya o re: o ile a iteiwa, e se ka lebaka la bokgopo bja gagwe, empa ka lebaka la makgopo a batho. Gomme re bala bjalo mo temaneng ya 9: 'o ile a fiwa lebitla le ba phokolo, le bahumi mo lehung la gagwe.' Gomme bjale se ge re se lebeletše o ka re ga se na hlaloganyo. A fiwa lebitla la ba phokolo – seo se ra gore pholoko ya dihlolong, a se bolokwe le ganyane. Mo nakong tše dintši mmele wa gago o be o lahlelwa mo matlakaleng a Jerusalema gore a jewe ke dimpsa le manong. Le ga go le bjalo go ba mohumi mo lehung la gago, seo se be sešupa se sengwe, go ka bolela poloko ya hlomphe. Gomme bjale karolo tše pedi tša mothaladi o tee o na le dihlahošo tša go seswane. Gomme seo ke nnete. Lentšu la seheberu mo nakong ye le ka hlalošwa ka 'empa', gomme seo e sa maleba, se fa hlaloganyo. Gomme bjalo mothaladi o o balwa ka tsela ye: 'o filwe lebitla la dinokwane, empa o ile a bolokwa le mahumi mo lehung la gagwe.' Bjale kgolaganyo e bonolo. Gomme ka bonako re gopola seo se diregaletšego Jesu. O ile a abelwa lebitla la bafokodi...' ka nnete go be go le bjalo – o ile a bapolwa le disenyi! Gomme ge letšatši le sobela mašole a ile a tla a tšea mmele wa gagwe go tšwa mo sefapanong. Disenyi tšeo di bego di sa hwa le tšona di ile tša fološwa mo sefapanong, marapo a bona o robegile gomme mebele ya bona ile ya lahlelwa mo koloing yeo e yago thokong ya Hinomo gobane go be go na le matlakala a motse wa Jerusalema. Gona mo mebele ya bona e ile ya tlogelwa gore dimpsa le manong a je. Seo ke seo se bego se tla diragalela mmele wa Kriste morago ga bo bapolwa.

Empa go ilwe gwa diragala seo se sa tlwaelegago ya ba phetolo mo Ebangeding. Modimo wa legodimong o fetola mogopolo wa Josefa wa Arimatheo gore a ye go Pilato a kgopele go boloka mmele wa Jesu. Gomme ka tsela yeo Josefa o ile a tšea mmele wa Jesu a o boloka mo lebitleng la gagwe le lefsa. Se ke go feleletša motsotso wa gore tlhokofatšo ya Jesu e fihlile bofelong. Yena, yo

a sa kego a o ba molato le yena yo a sa kego a bolela tša thogako. Yena yo a bego a filwe lebitla la ba go se be le Modimo, a bapolwa a gana ke legodimo le lefase. Bofelo bja gagwe e be e le – bjalo ka ge go be go bolelwa matsatšing ao – poloko ya pokolo. Empa bjale Modimo wa magodimong o fihla mo boemong bjo! Morwa wa gagwe o hlokofaditšwe go lekane! Mo sefapanong o lefile go lekana! Modimo wa magodimong o roma Josefa wa Arimathea mo tiragalong. Lebitle la gagwe le lefsa le a fiwa. Lebitle le bofela bja lona e be e le gore le be mojako wa lefase le lefsa. Mo lebitleng tlhokofatšo ya Jesu – mo lebakeng la rena – e fihlile bofelong. Mo lebitleng kgodišo ya gagwe e ile ya thoma – goba Modimo mo go wena le go nna le go lefase ka moka! Phetogo e kgolo e diragetše mo lebitleng le. Phetogo ya go ba history ya lefase. Phethgo e kgolo mo go batho ba Modimo. Phetogo e kgolo gape ya bophelo bja gago le bja ka.

Thatathata go bao e šetšego e le maloko a kereke lebakanyana kotsi ya tiragalo e kgolo ya go tšhoša. Bjale rapela ka lefsa gore go be go šupa eng ge Kriste a tsena mo lehung lebakeng la gago! Bontsi bja rena re tseba ka ga lehu le go tšhoša. Ka mo lehu ka go sa felego le ka mo le sa letelwago le ka tšea ntate go ba mme goba monna goba mosadi goba ngwana, mohlomongwe motho yo o mo ratago e bile o mo thabiša. Lehu ke lenaba le legolo la rena. Lehu le tlile mo lefaseng ka lebaka la kotlo ya dibe tša rena. Ge o tseba ka lefsa ka mo Jesu a fedišitšego kotlo ya lehu la go se fele, ka mo mo matsatšing a lehono re ka bolela ra re poloko: mo go modumedi go Kriste lehu ga e sa le kotlo, empa lehu ke tsela fela ya go iša bophelong bjo sa felego, gomme bjale re thabile gagolo ka go hlalala! Ana go botse bjang, ke mogogolo bjang, go a ratega ge re na le Mophološi wa lerato!

Ke fela mo lebitleng mo Morena Jesu a thomilego go amogela moputso o a bego ao beetšwe. Gonabjale Tate wa magodimong o araba thapelo ya gagwe, yeo išitšwego godimo ke Jesu serapeng sa Gethsemane. Tate o ile a se hlokomologe Morwa wa gagwe ka senwelo sa ditlaešego. Thato ya gagwe a e dirwe! Empa bjale ka gore motsotso wa maleba o fihlile, o ile a thoma go godisa Morwa wa gagwe. Yena yo a ilego a tšewa e go tšwa mo hlokomelong le mo tokong, yena yo a ikgafelego bjalo ka sehlabelo, sehlabelo sa dibe, bjalo o humana moputso wa ditapišo tša gagwe tša go ba mmoelanyi.

Bjalo ka mmoelanyi o be a ikimešiditše go rwala makgopo a ba bangwe. Yena ka boyena ga se a ka a dira sebe. Seo Jesaya a se bolelago mo, re ka se kgonthišiša. E be e le motho bjalo ka rena, ka tšohle o be a lekana le rena, kantle le gore ga a na sebe. Go be go se na bokgopo molomong wa gagwe. E sego fela ka mediro le ka mantšu a gagwe, ga se a ka a dira sebe. Le ge e ka ba ka dikakanyo tša gagwe. Dilo tšohle tšeo disenyi gare ga gagwe di bego di pharwa ka tšona.

Mo temaneng ya 10 go na le phethogo e tšwetšago pele temana ya 9. Empa bjalo ka ge temana ya 9, temana ya 10 e bolela e ke ga se sepele gabotse, ge o sa lemoge gore temana ye e bolela ka mmoelanyi, seloba. Ka mantšu a mangwe temana ye e ka se re fe tlhologanyo. Ana motho a ka otlwa bjang yo mongwe ga bohloko, gomme ka morago a mo neela moputso? Gantši yo mongwe a ka dira seo se fapanego le se sengwe. Motho yo a dirilego phošo o tlile go otlwa. Motho yo a dirilego se se botse o tlile go fiwa moputso. Le ga go le bjalo go e šoma ka motho yo a le go bjalo ka seloba, ka nnete bjale go fa tlhologanyo go bolela bjalo ka bobedi bja tšona. Yena – le ge a se na molato – o be a ikemišeditše go rwala makgopo a ba bangwe, gomme ka lebaka la maitshwaro le go nyaka ga gagwe, bjale o fiwa moputso! Ka thoko yengwe moporofeta o gatelela lebaka la gore monna yo o be a se na molato. Lebaka la gore o be a swanetše go tlaešega ga se lebaka la maitshwaro a gagwe. Empa ke fela gore e be e le thato ya Modimo gore a tlaešega. E se gore Modimo ga a na mabaka. Go bonolo gore Modimo o be a na le lebaka mo gopolong wa gagwe.

Monna yo o be a swanetše goba a e tire sehlabelo sa sebe. Moporofeta Jesaya o re supetša mo Testamenteng ya kgale lebaka la pudi ya phoko (Lev 16:6-34). Phoofolo ye e be e bolawa, madi a yona a tšhollwa. Se e be e le sešupo sa gore dibe di lebeletšwe. Mo lebakeng le lengwe moperisita o mogolo o be a tšea phoko yengwe a bea matsogo a gagwe godimo ga hlogo ya lona, gomme ka tsela ye o be a tšea makgopo a batho a bea godimo ga phoko. Gomme morago e be e

sepetšwa e išwa legageng, e le sešupo sa gore dibe ka moka di tlošitšwe. Se e be e le sešupo gore Modimo o ikemišeditše go tloša dibe tša batho a di iše kgole le yena.

Le ga go le bjalo setšo se sa phoko yeo moporofeto Jesaya a e boelago se fetogela mo go motho! E sego phoko empa motho! Monna wa mahloko! Batho mo Testamenteng ya gale ba be ba swanetše go lemoga gore phoko ke leswao la tebelelo ya dibe. Madi a diphoofolo, dibe mo godimo ga hlogo ya phoko, tšeo di tla se tliše tebelelo ye e sa felego. Bjale moporofeta Jesaya o porofeta ka motho yo a tlilego go tla, yo a tlilego go tšea modiro wo ao bee magetleng a gagwe. Monna yo a tlilego go imelwa ke makgopo, e sego fela sešupo, empa e le nnete.

Bjale go boela mo temaneng ya rena, go fa tlhaloganyo gore Modimo o neela moputso, go motho yo a mo hlokofaditšwego la mathomo. Se ke bohlokwa bja temana ya 10. Motho yo a ineetšego bjalo ka sehlabelo sa sebe. Sehlabelo sa sebe seo se bego se amogelwa ke Modimo. E kwa mantšu a mabotse mo temaneng ya 12: Modimo o re: 'bjale ke tlile go mo nea moputso o mogolo... gobane o ikgafile ka bophelo bja gagwe go isa lehung, gomme a balwa le disenyi. Gobane o rwele dibe tša ba bantši gomme a e tira seloba sa ba makgopo. Seo se boelwa ka ga mmoelanyi wa rena Jesu Kriste.

Jesaya o porofeta ka yena ka tsela e botse: 'O tlile go bona bajabohwa ba gagwe...' le ka gopola ka seo se boelago ke moapostola Paulo, ge a re: Kriste ke seenywa sa mathomo sa go humana bophelo bjo bo sa felego. Seenywa sa mathomo se ra gore: dienywa tše ntši di tlile go latela! O tlile go bona bajabohwa! Mang le mang yo a latelago Jesu Kriste le yena ke mojabohwa. Le go rena seo se a re akaretša: lehu la rena le ba tsela ya go iša parateising. Bjalo ka monna yo a bego a fegilwe sefapanong kgauswi le Jesu, Jesu o re go wena le go nna: Lehono o tlile go ba parateising le nna! Gomme seo ga se sona fela! Le mmele o tlile go tsoga bjalo ka ge go diragetše ka Jesu! Bahu ba tlile go tsoga, mebele ya bona e tlile go tsoga - Jesaya o porofeta mo kgaolo ya 26:19.

Go boeletša: mo lebitleng la Jesu dithlokofatšo di tlile bofelong, gomme go a thoma kgodišo ya gagwe. Ye ke tsela yeo Jesaya a poferetago ka yona. Ke ka mo go diragetšego ka gona. Gomme rena ka tetelo, re rapela Jesu Kriste. Tebogo ya rena e bopagane! Gobane ke yena Mmoelanyi wa rena! O dirile tšohle tše mo lebakeng la ka le la gago!

Amene.